



Broj: 06-11-4-5378/23  
Sarajevo, 27.06.2023. godine

Na osnovu člana 50. stav (1) alineja 5. i 7. Statuta Općine Novo Sarajevo - prečišćeni tekst („Službene novine Kantona Sarajevo“, broj 5/20 i ispravka 20/20), te člana 6. Odluke o uspostavljanju i vođenju javno-privatnog dijaloga u Općini Novo Sarajevo broj: 01-02-134/15 od 26.2.2015. godine, Načelnik Općine Novo Sarajevo r a s p i s u j e

## JAVNI POZIV

**za izbor i imenovanje članova Savjetodavnog tijela za ekonomska pitanja /STEP/ Općine Novo Sarajevo iz reda privatnog i civilnog sektora, javnih ustanova, javnih preduzeća te obrazovnih ustanova sa područja Općine Novo Sarajevo**

1. Pozivaju se zainteresovani iz privatnog i civilnog sektora, javnih ustanova, obrazovnih ustanova (visoko, srednje i osnovno obrazovanje) i javnih preduzeća sa područja Općine Novo Sarajevo da predlože svog kandidata za članstvo u Savjetodavnom tijelu za ekonomska pitanja /STEP/ Općine Novo Sarajevo.
2. Savjetodavno tijelo za ekonomska pitanja /STEP/ Općine Novo Sarajevo kao mješovito tijelo sastavljeno od predstavnika javnog, privatnog i civilnog sektora ima zadatak da kroz aktivno sudjelovanje svih aktera u javno-privatnom dijalogu doprinosi razvoju lokalne zajednice i kreiranju povoljnog poslovnog okruženja kroz redovno međusobno informiranje javnog i privatnog sektora, razmatranje značajnih razvojnih pitanja i pitanja unaprijeđenja poslovnog okruženja i konkurentnosti, predlaganje mjera za razvoj zajednice, unaprijeđenja općinske poslovne klime i konkurentnosti, rasprave o mjerama i inicijativama privrednog sektora koje se tiču viših nivoa vlasti i razmatranje inicijativa za partnerske projekte i njihovu implementaciju.
3. U Savjetodavno tijelo za ekonomska pitanja /STEP/ Općine Novo Sarajevo putem javnog poziva bira se:
  - (1) jedan predstavnik javnih preduzeća,
  - (1) jedan predstavnik javnih ustanova,
  - (3) tri predstavnika obrazovnih institucija (visoko, srednje i osnovno obrazovanje),
  - (5) pet predstavnika privatnog sektora i
  - (1) jedan predstavnik civilnog sektora.
4. Konačan izbor članova Savjetodavnog tijela za ekonomska pitanja /STEP/ Općine Novo Sarajevo vrši se na način da se ostvari zastupljenost oba spola, te relevantna zastupljenost najvažnijih sektora privrede općine sa potencijalima za razvoj, te mikro, mala i srednja preduzeća, relevantna zastupljenost javnih preduzeća, obrazovnih ustanova, kao i relevantna zastupljenost organizacija civilnog sektora.
5. Članovi STEP-a ne ostvaruju pravo na naknadu za rad. Mandat članova STEP-a traje 4 godine od dana imenovanja.

6. Javni poziv ostaje otvoren 15 (petnaest) dana od dana objavljivanja na web stranici Općine Novo Sarajevo.

Zainteresirani za prijavu po javnom pozivu dužni su popuniti prijavni obrazac koji je dat u prilogu i isti dostaviti na e-mail: [lokalni.razvoj@novosarajevo.ba](mailto:lokalni.razvoj@novosarajevo.ba)

ili putem pošte:

Općina Novo Sarajevo (Služba za upravljanje lokalnim razvojem)  
Zmaja od Bosne 55  
71000 Sarajevo

sa naznakom: „Prijava na javni poziv za Savjetodavno tijelo za ekonomska pitanja /STEP/”

Sve dodatne informacije u vezi s Javnim pozivom mogu se dobiti svakim radnim danom od 07:30 do 16:00 sati putem telefona ili e-mail adrese:

Služba za upravljanje lokalnim razvojem - 033 492 157 ili [lokalni.razvoj@novosarajevo.ba](mailto:lokalni.razvoj@novosarajevo.ba)

OPĆINSKI NAČELNIK

Dr. Hasan Tanović